

長沙縣志

地
270.13
35
12



嘉慶庚午年鑄

長沙縣志

知長沙縣事陞乾州直隸廳同知趙修

衙藏板

文在宰長沙之四年這
國史館檄取邑乘求諸故府殘脫失
次之越週甲書缺有間鄉侯士庶咸
請述故增新文在自顧德涼能鮮不
鼓不文又長沙者湘中都會所謂宜
陽雖不其實郡也事刻信文邑擇

長沙縣志

卷之首

序

魚人者任之猶困於簿書疲於迎
送下矣不佞戴星赫膏以繼常
苦不佞以是受任四年無所著效
志者衰良鉞楷文新氣寄與史
相表裏才如韓愈懼不敢為以
德能若彼受任之者此禮樂教侯



君子耳辭不敢任鄉先生又曰良
於吏者胸中自有金志善為邑者
精神充乎滿孫今宰為吾邑四稔
矣若無久逾此山川靡不到民之
情仍靡不周知所謂自有金志者
非歛其毋辭乃復於衆曰若班伯

為定襄郡聞伯年少自請治到畏
其作威洎伯至請問耆老父祖故人迎
延滿堂日為供具執子孫禮甚恭諸
所賓禮乃於諫伯請治事伯曰是
所望於父師矣因多予貲以治狀
由是郡中稱神明抑揚雄有言當今

縣令不請士郡守不迎師蓋譏其以吏
自尊而不知收好賢之教也文在年
未三千而學為邑免年而泰尹首聚
無異德能何以克免速謗於外而
邑父老士庶率幸不鄙夷於我者良
有慕乎班伯之為而深怵乎揚雄之

言也今幸以是免戾於為邑請更以
是為志可乎必不獲避幸困所以佐
宰燭幽隱齊貴賤以是非精考覈
信今而傳後雖依乎於小宰要名乃
乎人心之所同然庶其知吾罪非我也
公也若是其可乎今日詒敢不致矣

公以漢子以問上至玉階報可乃文告道
都俯壤使名舉同知約規四章分曹
責效而文在竊視其成閱七月而藏
文在例得弁下簡端爰述所以克成
完書考邑賢士大夫之助非文在之所
庶幾也若夫山川風俗之美人文物

產之繁足以供柱下採擇者述舊聞
著於篇故不復有所云

嘉慶十有五年歲次庚午孟春月
知長沙縣事陞授乾州直隸
廳同知寧海趙文在撰



舊序 康熙七年

王仕雲

長沙三楚一大都會也衡嶽峙其南洞庭匯其北湘水映帶左右郡邑大夫所坐對披覽者神禹蝌蚪之文北海峻嶒之筆屈原賈誼著廟廊之精忠南軒考亭關理學之堂奧皆足以開擴心胸震盪耳目者矣昔司馬子長浮湘登嶽而文章日進杜少陵樂湖南清絕之地題詠至百餘首後人每嚮往之余承乏衡李以讞決之役寓長之日多於在衡遇山水佳處輒低回留之不能去云間一泛橘江之棹發靈麓之藏雖才不逮子長少陵二公然名山有道之緣曠百世

長沙縣志

卷之首

原序

一

而相感也長邑行可胡侯新刻志書告成持其全帙請序焉竊歎侯之嘉惠長沙而是書之成非偶然也聞之語云爲政如鼓琴瑟欲其調也以子產治鄭必三年而後誦興豈不貴乎調哉侯之蒞長逾五年矣此五年間殫心竭慮鞅掌運籌凡地方利弊民生疾苦皆周知而悉體之故其因革損益與民咸宜如家人父子性情調習上下無猜有何令不行政不舉哉於是斟酌補救爲成書宜其諧物情中窾會而可垂久遠也今讀其公移所臚列者流膏布澤雖古龔魯何以加焉抑斯志蓋邑創修也夫事因人易創始

難長之爲長歷千百年矣前此宰是邑者豈乏循牧
未聞有問及紀述者侯以河朔名彥政尙簡要而略
於細碎故能務其大者遠者百世將利賴之矣又聞
侯喜作士午科施君作霖王君瓊皆侯夙所拔識邑
人歌棫樸焉而是書草創則屬之江君有溶江君固
有道君子而不僅以博物著者侯之風義與武城言
氏子並垂不朽矣

舊序

康熙七年

胡壯生

邑之有志猶夫家有乘國有史所以紀形勝而載方
物表賢良而揚風化則一日之事而實千古也余膺

長沙縣志

卷之首

原序

二

簡命來牧茲土民生休戚地方利害敢不夙夜留心以副
讀書期許之志無奈兵燹之餘兼以水旱頻仍鳩形
鵠面慘然心目哀此殘黎幾爲揮賈生之淚繪鄭監
之圖矣生聚教訓之未遑何暇他及追憶疇昔承乏
寧陽下車伊始吏進邑志猶攜行笥長沙古名邑幅
幘寥濶醴陵寧鄉瀏陽善化咸其析置之地茶陵諸
州縣莫不有志長邑爲郡之首屬賢士大夫領袖他
邦志獨未之前聞俾山川人物諸事蹟竟與荒烟蔓
草同其湮沒豈非當事者一犬缺典乎余五載於茲
每爲動念而不能去諸懷故不愧不敏於政事稍閒

時購索遺編諮訪茂學與邑紳士谷尙江君有溶及諸同志者僉謀創始討論而刪定之幾逾歲月彙集成書分列卷目而事以類附焉雖一時耳目或未得其詳而長邑之形勝方物賢良風化紀而載之表而揚之約畧見於斯矣稽風俗而資政教鼓忠孝而勵節義未必無小補云

舊序 康熙二十四年

朱前詒

長爲列屬之首而書缺有間等於寡陋總以邑統於郡不妨從同而例書耳余以爲不然編年紀月詳於魯史而邱費郈蒲諸邑書魯事者不嫌於分註田賦

長沙縣志

卷之首

原序

三

車馬載在晉乘而溫原曲沃諸邑執晉簡者不憚夫更端卽班史地理志所序長沙一郡綴以十三邑近自湘羅遠逮安成繡錯碁置絲聯繩貫未嘗以郡而該邑也豈以巖巖名區比於漆閭邱之微而漫不見於經傳也哉余承乏茲土謬欲方軌前哲事有難決往往問諸故府則愕不知所對譬諸桃源中人不知有漢何知魏晉因歎志者紀事之書也田賦不志何以服先疇之猷畝學校不志何以垂世德之名式營建不志何以守高曾之規矩其他本末舛逆首尾橫決有難偏以疏舉者何文獻之無徵抑至是耶及得近

刻一帙受而讀之謀野之獲見於草創而討論修飾
潤色尙懸而有待恭逢我

皇上誕敷文德同文之志既洽於方夏徵文之檄不遺乎
下邑

璽書遙臨遐邇焜燿其在祝融之國光遠有耀固爲聲教
之所先及而長居孔道輪軒戾止邑乘之修其何敢
尙後於他屬哉爰手一編進學博徐君謀之徐謙讓
未遑余正告之曰古百國春秋成於外史而後上之
內史君楚中名宿備官於斯發倚相之墳典舉屈宋
之芳澤外史一簡舍君奚屬徐無以謝因退掃閤軒

長沙縣志

卷之首

原序

四

取前刻而討之論之修之飾之又從而潤色之而康
熙六年以後官職選舉財賦兵戎學校公署事涉沿
革據實書之期於不誣更期於不遺閱兩月而志已
成矣志成後余不佞晝考夕糾將徵信於斯以作夙
夜之箴而賦役編定較若畫一賦不苦於悉索役不
窮於奔命行將人寫一通懸諸壁牖家絃而戶誦之
其裨益不良多乎抑聞之古人有言不習爲吏視已
成事又曰前事之不忘後事之師繼自今往操刀之
割展卷而刃可游美錦之製抱牘而繡已錯蕭規曹
隨未必不有取於斯也敢以是弁諸簡端

舊序 康熙二十四年

徐則論

長邑志之在故明者不可徵矣康熙戊申前邑侯無錫胡公始屬邑人谷尙江氏修之獲有成書甲寅之變仍歸散佚岬甲以來文治誕興廟廊之上方將圖王會以昭一統自直省逮郡縣莫不各搜載乘而更新之以供太史之採於是長志之復修也適當今邑侯朱公政成之日焉公鴻材博識退食之暇間手一編凡因革之故變通之宜靡不一覽歷然悉其體要爰授厥指俾論綴緝旣固辭不得命乃取江氏遺簡重加校定去其太繁益所未備每一編成輒就公而

長沙縣志

卷之首

原序

五

折衷之再閱月書成其憲王考文之義修墜啟後之旨公旣序而傳之以爲不刊之令典矣論又何庸贊一辭哉雖然有說焉凡志者爲可傳也爲可久也傳且久者獨其書乎哉亦存乎其人耳夫舉一邑之掌故鋪陳排比經分緯合使物正其名事歸其紀足以備考辯而決嫌疑斯之爲書舉一邑之土田山川神人上下典故文章庶物之屬咸歸諸當事者之一身準古而酌今類族而辨宜區處條理各得其所其法足以維乎百年其教可以施於後世斯之爲人今夫詢故府具章程何時蔑有而人蓋難言之矣豈其無

人乎哉誠有所不屬才有所不盡遽廬視其官過客
視其身舉凡理人經務之道一切取於苟可以爲而
止如是而望其幾於傳且久也得乎譬之稼穡而耕
者不謀其種種者不謀其穫雖日陳神農之書無當
矣譬之作室而堂者不計其構構者不計其垣雖日
畫梓人之圖無庸矣故曰非其書也而其人也方公
之蒞長也長當疲劇之餘諸務若棼絲公待粹以暇
鎮囂以靜應變以整慮暫以永小大之務必權其本
末稽其初終務在經遠持久而不爲一時苟且之計
循而行之以及於今則尤目無全牛肯縻深嘗之日

矣故斯志之成也本胸中之全政爲邑中之全書如
處家事一薪一粟無不周也如指熟徑一曲一折無
不諳也是獨其書乎哉公之人存焉已昔蕭相國收
秦圖籍使漢得具知天下戶口扼塞之數此固宰相
深心鉅識然何所以爲賢相者尤在因時制宜成畫
一之法以定漢治是其確持綱紀默維運會垂於數
百年之久者人也非籍也使無何之人圖籍亦具文
耳故論於斯志之成尤推本於公之人以見所以爲
傳且久之道者固當有在而不能不附一言者以此
若夫徵信辨疑分條析例以完邑之故物一書記之

役耳雖從事編摩奚足云

舊序

康熙四十二年

王克莊

國史或數百年一修邑志或百年一修志較史爲差密從未有數十年內三易其稿屢付剞劂者也然而視其時處其地有不容不修之理亦豈敢憚煩耶余蒞長沙五載餘閒閱前志有其事爲昔所無今所有者若

御製輝煌訓飭多士

上諭諄切懇至加意楚南與夫學宮之修建公廨碑亭之鼎立是也有其事爲昔所未定今始畫一者若田畝

長沙縣志

卷之首

原序

七

之清丈都甲之區分衛屯之歸併賦役之簡便上不病國下不累民者是也有其事爲昔之所少今之宜增者若人文之日盛紀載之日繁搜羅之必廣者是也倘失今不修因陋就簡後人從何稽考而徒濶其心目已耶因與學博胡君商之胡君曰然是太之志也由是博採衆論合之時地裁之已心芟其繁冗增所未備閱數月成稿捐俸刊諸梨棗俾垂永久諸凡星野山川職官人物等項未敢減損一字悉仍其舊止訂其亥豕之訛而已惟是學校田畝賦口屯田則悉加釐正煥然改觀至於藝文志內自虞夏及漢唐

宋元明凡名賢之詩賦自序有切茲土者亦未敢妄
爲削去然自

國朝定鼎以來六十年間文教誕敷人才衆多後來居
上不得不爲增入則以時當清晏正講莩之日載之
於志以備國史採擇庶免遺漏之誚云爾蓋國家之
事莫大於教養二者予非敢自謂能養且教也第仰
體

朝廷德意俾農安隴畝士習絃誦以庶幾無墜厥職今
民咸務本致田價日增士皆自愛致學業日新視開
闢之初繼亂之後殊覺有異則茲志之修維其時矣
後之宰斯邑者從而考覈焉其亦有所依據矣乎因
援筆而序其概如此

長沙縣志

卷之首

原序

八

舊序

康熙四十二年

胡之太

志也者非一家之私事一人之私言也所以載一邑
之因革損益制度文爲與夫人才之隆盛賦役之均
平以備史氏採取非可苟焉而已也故必公其心意
廣其聞見徵其實蹟然後可以信今而傳後則存乎
其人而已矣前此星沙邑志一修於邑侯胡公再修
於邑侯朱公胡則屬之江君谷尙朱則屬之徐君書
平非不燦然可觀然胡當草創之始因襲前代未免

遺文闕畧至朱則加詳矣顧繼逆藩變亂之後其時諸務叢冗紛更多故未能較若畫一以貽來者則時爲之也今時際昇平

聖天子殷殷南顧猶日飭封疆大臣釐弊除奸故楚南吏治廉平視昔迥異今邑侯王公以宛平世闕來宰長沙五年於茲矣本家學淵源蒞此劇邑爲六十餘城首倡長才肆應善於聽斷凡大案疑獄片言立剖故上臺咸加委重其冰操凜凜於凡加派私徵中飽等弊靡不革除已盡以故曩者遞年當差田地荒蕪或不價而轉贈他人今則流移盡歸安厥宅里田價數

長沙縣志

卷之首

原序

九

倍於前幾與湖北等皆由侯之躬履隴畝重加清丈不避霜雪致田無欺隱賦役得均焉曩者民苦衣食不暇課子弟其應童子試者不滿二百人數年以來及今出而赴縣試者凡七八百人咸由侯休養生息之故尤留意賢序於殿廡重爲修葺於明倫堂則更加擴大於尊經閣則特爲創建故士知自奮以無負德意則成茲志者雖侯際昇平之時爲之實侯之善政善教成之也愚故以爲信今傳後之事必存乎其人而已矣

續志序 乾隆十二年

李大本

自漢儒地理風俗之編成而郡縣之志已肇無論巖疆小邑罔不詳紀事迹搜羅舊文各成一書以待作史者之採擇論定焉顧時代遷流新故遞續前賢創始之力與後人補葺之勤其能事蓋相等然而樸斲勞而丹雘逸踵事增華逸者方且掩其勞而攘而據之此余於長沙續志之所爲兢兢也前志斷自康熙中祀而止迄今甲癸周而奇矣

國家日深淪浹久道化成而又當

聖神英敏四方清晏捧版圖以求隸於大司徒者盡海內外故制撫諸大臣宣布雅化文治聿興使宰士屬吏

長沙縣志

卷之首

原序

十

各出其心力簡搜佚事酌劑時宜以敷陳治典潤色鴻猷煌煌乎甚盛事也予承乏長沙職應爲七十餘城首倡爰受事上臺謀僉紳士取舊乘而津逮之因作而言曰時有今昔治道同揆其所恃以爲徵信者史外爲志志所以輔史而行遠者也大之如辨方正俗可參於禹貢國風而丁庸物產纖悉畢陳亦進與食貨諸篇並垂經世之用然史以綜累朝之典則故例儉而義嚴志以備一方之紀載大約考星分稽山川往蹟之勝於是乎繫逸節之奇顯秩之炳於是乎傳城池道里祠宇津梁之修廢學校廨署防務祀事

之沿革於是乎詳民風吏治之登耗煩簡於是乎寓
藝林之富於是乎存故例博而義繁於以宏訓保治
彰潛發幽此其關要直與國史之修埒重焉昔編草
創未必失同罣漏而中故多遺佚類如人物湮陳列
女闕胥疆域之合圖祀典之簡載不惜拾賸補殘期
於完備足協徵信而已耳若夫運會休隆視昔所陳
駸駸日盛於賁靈騰祥之區人瑞天休珠駢繡錯者
悉揚厲而續志之政猶仍樸斲之規模而丹雘麗之
兩不相蒙夫今之視昔勞固均焉其諸攘據之嫌亦
既避矣乎後之人傳所志並傳所以志是則予志之

長沙縣志

卷之首

原序

十一

兢兢也夫